

**RIMSKO PRAVO I**

Doc. dr. sc. Mirza Hebib
Asst. Enida Dučić, mr. iur.

Sarajevo, 07. 11. 2024. godine

O B A V I J E S T**samostalni istraživački radovi (eseji) u ak. 2024/25. godini**

U nastavku ove obavijesti nalaze se upute za način prijave i izradu semestralne aktivnosti izrade samostalnog istraživačkog rada (eseja) za akademsku 2024/25. godinu. Seminarske aktivnosti su fakultativne aktivnosti koje nose 10% ukupne ocjene na nastavnom predmetu. Bez navedenih aktivnosti studenti imaju mogućnost ostvariti 90% ukupne ocjene u okviru nastavnog predmeta.

Seminarska aktivnost predviđena za ovaj semestar sastoji se u izradi samostalnog istraživačkog rada – eseja. Ukoliko se kandidat odluči za izradu samostalnog istraživačkog rada, dužan je obraditi temu koju je samostalno odabrao sa liste koja se nalazi u nastavku ovog dokumenta. Pritom je izbor teme sa dodijeljene liste u potpunosti slobodan, te ukoliko jedan kandidat prijavu određenu temu, navedeno neće predstavljati smetnju da i drugi kandidati prijave istu temu.

(I) DOSTUPNE TEME ZA SAMOSTALNE ISTRAŽIVAČKE RADOVE:

1. Nastanak i razvoj fenomena rimskog prava: od običaja do kodifikacija
2. Reformske promjene Oktavijana Augusta – uspon rimskog carstva
3. Evolucija društvene hijerarhije unutar rimske države
4. Justinijanova kodifikacija
5. Barbarski zbornici rimskog prava
6. Koncept starateljstva u rimskom pravu
7. Status žene u rimskom pravu
8. Koncept porodice u rimskom pravu
9. Rimsko pravo i srednjovjekovni <i>ius commune</i>
10. Rimsko pravo i Austrijski građanski zakonik
11. Djelatnost glosatora i postglosatora
12. Uticaj rimskog prava na razvoj pandektistike
13. <i>Rei vindicatio</i> – primjena i značaj
14. Dosjelost (<i>usucapio</i>) u rimskom pravu
15. Služnosti kao ograničeno stvarno pravo
16. Osnovni koncepti založnog prava u rimskom pravu
17. Razlike između pignusa i hipoteke u rimskom pravu



18. Izuzimanje stvari iz pravnog prometa u rimskom pravu i savremenom pravu
19. Okupacija kao način stjecanja vlasništva u rimskom i savremenom pravu
20. Publicijanska tužba – primjena i značaj

(II) TEHNIČKE PROPOZICIJE:

Dužina samostalnog istraživačkog rada mora iznositi ukupno **10 stranica**, uz **minimalno 5 citiranih izvora** koji **ne uključuju** udžbenik Šarac, M. & Lučić, Z. (2006). *Rimsko privatno pravo*. Sarajevo: Pravni fakultet Univerziteta u Sarajevu, budući da riječ o obaveznoj literaturi za pripremu ispitne materije. **Font za izradu seminarskog rada je Times New Roman, veličina slova 12, spacing/prored 1,15, margine Normal (2,54 cm).**

(III) UPUTE ZA IZRADU:

Radovi se izrađuju isključivo **samostalno** i ne postoji mogućnost zajedničke izrade jednog rada od strane više kandidata. Kandidati su obavezni pridržavati se općih pravila citiranja, odnosno citirati svako preuzimanje tuđih ideja, koncepata ili podataka. Reference/navođenje izvora neophodno je vršiti u **fusnotama, veličina fonta 10, stil citiranja Chicago Manual of Style** (više o tome dostupno na: <https://www.citationmachine.net/chicago>). Prilikom korištenja izvora vodite računa o tome da Vaši izvori trebaju biti autoritativni i stručni, dok anonimizirani izvori (kao npr. Wikipedia) neće biti smatrani relevantnim za ovaj rad.

(IV) ODBRANA SEMINARSKOG RADA:

Navedena aktivnost izrade seminarskih radova sastoji se iz dva dijela - pisanog i usmenog, pri čemu su bodovi za ovu aktivnost raspodijeljeni na način da kandidat pripadajuće bodove ostvaruje samo ako, pored dostavljanja rada u elektronskoj formi, pristupi i usmenoj odbrani svog rada. Usmena odbrana podrazumijeva da kandidat u kratkim crtama izloži ključne nalaze i zaključke koji iz njegovog seminarskog rada proizilaze, te eventualno odgovori na određena pitanja neposredna vezana za temu koju je obradio.

(V) NAPOMENE I ROKOVI:

Prijavu izabranih tema seminarskih radova kandidati mogu izvršiti **do 20.11.2024. godine** na email adresu predmetne asistentice e.ducic@pfsa.unsa.ba.

Rok za predaju seminarskih radova je **31.12.2024. godine**, također na email adresu predmetne asistentice e.ducic@pfsa.unsa.ba. Seminarski radovi dostavljeni nakon predviđenog roka neće biti podvrgnuti ocjenjivanju.



Nakon što je elektronska predaja seminarskih radova okončana, predmetna asistentica će naknadno na web stranici fakulteta oglasiti termin za usmenu odbranu seminarskih radova, uz detaljnije upute.

Sve dodatne upite vezane za prijavu ili izradu seminarskih radova možete poslati na ranije navedenu email adresu, a u slučaju potrebe za dodatnim pojašnjenjem, možete pristupiti konsultacijama kod predmetne asistencije (kabinet 306) utorkom od 15:15 do 16:45 ili petkom od 10:00 do 12:15.